

Партъ келхлӓ—лавта кӱцх!

(Приютненск района, Кировин нертӓ колхозин партийн организацин сеглӓтр ӱр Ф. Т. Полонскийлӓ кесн кӱӱндвр).

Мана селӓнӓ эдл-ахун артелин члед, цуг советин олт-ӓмтнӓлӓ хамдан КПСС-н XXI-ч хург деер ӱр Н. С. Хрущевин кех докладин „1959—1965 джилмӱдт СССР н олт-ӓмтнӓ эдл-ахун делгрлтин контролын тоогын“ тезисмӱдиг ик омгтагъар тосджана. Эн тезисмӱдт тӓвгдсн тӓрмӱдӓс, мана партъ болн правительств советск олт-ӓмтнӓ бӓӓдл-джиргълин ӓслтд болн мана Тӓрскнӓ пецгрлтд ик килмджӓн ӓгчӓхнь медгдджӓнӓ.

Мана Коммунистическ партъ болн терӱнӓ ленивск Централын Комитет, сӱӱлин цагин эргид селӓнӓ эдл-ахун ӓслтд ик оньган ӓгчӓнӓ. Эн килмджин ашиг мана колхозин хӱврлтӓр авад хӓлӓддж болджана.

Кемр. 1954 джилд мана колхоз 5740 гектар тӓрӓнӓ гектар болгънас дундлад 4,6 центнер ургъц авад, ут-тоодан цуг бийнь 25184 центнер буудя авсн болхла, эн джил 7,5 миньгън гектар газрас ут тоодан цуг бийнь 92350 центнер буудя хурадж авб, тӓрӓнӓ ургъц дундивдӓн 3 холван ӓсв.

Торгън нооста хӓн чигн ӓслж бӓӓнӓ. 1954 джил 34630 хӓн бӓӓсн болхла, эн джил 53350 хӓн бӓӓнӓ. 1958 джил бидн, хӓн болгънас 5 килограмм 530 грамм ноос авад, 1622 центнер торгън ноос государствл орулдж ӓгх бӓӓсн болхла, 2554 центнер ноос орулдж ӓгвдн. Тер мет бод малас гардг эдл-уш чигн немгдв.

Эн тоот кӱцӓврмӱд колхозин ору ӓслгънд ик хӱврлт гаргъв. Кемр 1954 джил бидн 6821 миньгън арслнь мӓнъгнӓ ору авсн болхла, эн джил 13 сай арслнь мӓнъгнӓ ору орв.

Бидн малин хот-хол белдлгънд ик оньган ӓгчӓнӓвдн. Эн джил 2 миньгънӓс ӱлӱ талан гектар эрдни-шишӓ тӓрӓд, олна мал ӱвлӓх бӓӓрн газрмудар 10800 тонн силос белдвдн. Ташр деернь 119, миньгън центнер ӓсв белдвдн.

ӱр Н. С. Хрущевин кех докладин тезисмӱд барлгдсна хӓӓн, мана колхозин кӱч-кӓлсчир дунд делгӱ кӱӱндвр болджана.

3-ч комплексн бригадт болсн хургт механизатормуд Ребаров, Медведев, Щербинин эдн босдж ӱг келӓд, тезисмӱдт заагдсн контролын то—кӱцӓддж болх тӓр гицхӓв. Тедн КПСС-н XXI хург уктдж, эн хург ӓклтл цуг трактормудин болн терӱнд кергтӓ инвентарьмуд ясдж белдх болдж даалгъвр авцхӓв. Гурвдгч н о м е р т ӓ МТФ-н коллектив дунд болсн хургт фермин кӓдлӓчирин нерн деерӓс ӱкрч А. И. Антонов нигдж келв:

—ӱвд белнвдн, малан таргън, бурн-бутн ӱвлӓс авч тарнавдн.

Коммунистическ тосхлтин зуран тускар мана колхозникуд делгӱ кӱӱндвр кедж бӓӓцхӓнӓ. Партъ келсн хӓӓн—лавта кӱцхмн,—гидж колхозникуд келджӓцхӓнӓ.

Эн тоотиг кӱцӓхд мана чидл, кӱчн кӱрх.